

黃帝內經素問注證發微

內經素問註證發微卷之五

大明太醫院正文會稽先生玄臺子馬時仲化註證

和序生馬遵道馬善馬善馬稱德校

氣厥論篇第三十七  
相移皆氣逆使然故名篇

黃帝問曰五藏六府寒熱相移者何岐伯對曰腎移寒于

肝癰腫少氣脾移寒于肝癰腫筋攣肝移寒于心狂隔中

心移寒于肺肺消者飲一溲二死不治肺移寒于腎

為涌水涌水者按腹不堅水氣客于大腸疾行則鳴濯濯

如囊裹漿水之病也腎移寒于肝肝字的心作脾故下文即云脾移肝肝移心

義為順甲乙經全元起皆作脾王氏誤註為肝未詳下文大義也其下文移熱亦是腎移脾脾移肝肝移心心移

肺移腎不言  
腎移肝也

此因帝以藏府寒熱相移爲問而先卽五藏之移寒者告之也。腎傷于寒而傳之脾。傳其所勝已者其寒盛矣。惟胃主肉。肉得寒則爲堅。堅久則化爲熱。故輕則爲腫。重則爲癰。也。脾病不能運化。故元氣亦衰少矣。又脾移寒于肝。亦傳其所勝已者。其寒盛矣。因寒而衛氣結聚。故爲癰腫。肝藏上筋。肉寒而筋脉拘急。故爲筋攣也。又肝移寒于心。傳其所生者。則心爲陽藏。神處其中。今寒薄之。而神氣亂離。故爲狂。且心脉起于心中。出屬心系下膈。故爲隔塞不通也。又心移寒于肺。傳其

所不勝者。則金少火刑。肺精燐燐。故為肺消。肺消者。飲雖止于一分。而洩則倍之。入少出多。精氣耗散。主死不治。又肺移寒于腎。傳其我所生者。則肺寒入腎。腎和于丹。上奔于肺。故為涌水。大腸為肺之府。今肺腎俱為寒薄。上下皆無所之。其水氣當容于大腸也。方其疾行。則腸中似鳴濯濯有聲。如以囊裝漿。此乃水之病耳。脾移熱于肝。則為驚衄。肝移熱于心。則死。心移熱于肺。傳為肺消。肺移熱于腎。傳為柔瘕。腎移熱于脾。傳為虛腸澼。死不可治。瘕音熾

此又即五藏之移熱者告之也。肝藏血。又主驚。今脾移

熱于肝傳其所勝已者其熱盛矣則肝氣必虛故被所

勝者乘所不勝當為驚為衄衄者鼻中出血也心屬

君火肝有相火肝移熱于心傳其我所生者然心不受

邪以如傳子而二火炎熾病不可支故死陰陽別論云

過門日而死用人有膈膜前齊鳩尾後齊十一椎居

心肺之下而有斜膜上與心肺相連故心移熱于肺傳

其我所勝者則上文心移寒于肺寒蒸為熱而成肺消

今則兩亦被熱而成兩消由此推之則肺消難免矣上

文曰死不治而此亦非易治之證也一說肺主肺肺

主氣腎主骨肺熱有餘傳之于腎傳其我所生者則氣

與骨而皆熱其骨成瘰而難舉柔則痿弱無力也脾  
土制水腎及移熱以與之傳其所不勝者其熱盛矣是  
脾土不能制水而受病久則爲益虛也脾氣不能運化  
而小腸大腸皆有滯積如通評虛實論所謂或便血或  
下白沫或下膿血者是也此則土絕水竭死不可治  
胞移熱于膀胱則癰溺血膀胱移熱于小腸而腸不便上  
爲口糜小腸移熱于大腸爲虛癰爲沈大腸移熱于胃善  
食而瘦入謂之食亦胃移熱于膽亦口食亦膽移熱于腦  
則辛頰鼻淵鼻淵者濁涕下不止也傳爲衄衄瞑目故得  
之氣厥也

糜武悲切瘰伏同入謂之食  
亦之入字當作又膿莫結切

此以六府之移熱者告之也。王安道曰。膀胱固爲津液之府。又有胞居膀胱之中。靈樞五味篇曰。膀胱之胞薄以懦。類纂曰。膀胱者胞之室。今胞中熱極。乃移熱于膀胱。則爲癰。爲溺血。癰者。小便不通也。宣明五氣論曰。膀胱不利爲癰。蓋熱極。則胞與膀胱皆脹。而溺不得出也。溺血者。血隨溺下也。正理論曰。熱在下焦。則溺血。膀胱上口上連于小腸。今膀胱之熱移之。是水能勝火也。故小腸本受鹹之官。化物所出。今火熱薰蒸。其腸隔塞而熱燥不下。不得二便。且熱上出於口。亦爲口瘡而糜爛。蓋七竅在上。口通腸胃。其病如此耳。小腸下口大。

勝之上口也。小腸移熱于大腸。是傳其所勝也。兩熱相搏。則血積而爲伏瘕。其伏瘕則沉于其中也。胃爲水穀之海。其氣外養肌肉。今大腸之熱移之。是傳其生我者也。則胃火愈盛。食已如餓。故雖多食而肌肉瘦瘠。又謂之食易。其亦當作易。蓋飲食移易而過。不生肌膚也。胃移熱于膽。是傳其所勝我者。則胃病如故而膽木生火。亦當善食而瘦也。亦名曰食易。膽脉起于目眇眇。上抵頭角。下耳後。凡腦後之穴。曲折布繞。故膽移熱于腦。則辛頰鼻淵。辛頰者。鼻頰辛酸也。鼻淵者。濁涕下不止也。此皆熱使之然。及其父而傳也。則爲衄血爲瞑。



目蓋鼻熱既久。血從上湧。故鼻中出血。其目亦瞑暗也。  
凡此五藏六府寒熱相移者如此。皆得之氣逆所致。  
此醫者能隨各經之氣以預治之。則寒熱可以不至于  
相移矣。

欬論篇第三十八

內論五藏六府之欬各  
有形狀治法故名篇

黃帝問曰。肺之令人欬何也。岐伯對曰。五藏六府皆令人  
欬。非獨肺也。帝曰。願聞其狀。岐伯曰。皮毛者。肺之合也。皮  
毛先受邪氣。邪氣以從其合也。其寒飲食入胃。從肺腠上  
至于肺。則肺寒。肺寒則外內合邪。因而客之。則爲肺欬。五  
藏各以其時受病。非其時各傳以與之人。與天地相參。故

五藏各以治時感於寒則為病微則為欬甚則為泄為痛  
乘秋則肺先受邪。乘春則肝先受之。乘夏則心先受之。乘  
至陰則脾先受之。乘冬則腎先受之。

此言五藏六府皆能成於寒必肺先受邪而傳之于各

經也言皮毛為肺之合

五藏生氣之合皮毛

皮毛先受風寒

邪氣而邪氣遂入于所合則肺當受此風邪也。但風邪  
雖受于其後而肺寒則已病于其先。其始因用寒冷飲  
食以入于胃從肺脉上至於肺則肺寒矣。肺寒則內寒  
因外受風邪則外寒外內皆寒所以肺之遂成其欬而  
傳之他藏府也。大凡五藏各以其所主之時受病非所

主之時。則由別經傳以與之。正以人合天地相參耳。故五藏各以五時感于寒則受病感之微者則為欬感之甚者則為泄為痛。如肺主于秋故肺先受邪。肝主于春故肝先受邪。心主于夏故心先受邪。脾主于至陰故脾先受邪。腎主于冬故腎先受邪。皆因五時而受邪也。唯欬則肺先受邪為欬而傳之別藏斯五藏六府皆得以成欬也。豈特肺而已哉。

帝曰。何以異之。岐伯曰。肺欬之狀。欬而喘息有音。甚則唾血。心欬之狀。欬則心痛。喉中介介如梗狀。甚則咽腫喉痺。肝欬之狀。欬則兩脇下痛。甚則不可以轉。轉則兩脇下滿。

脾欬之狀。欬則右胛下痛。陰陰引肩背。甚則不可以動。動則欬劇。腎欬之狀。欬則腰背相引而痛。甚則欬涎。

此言五藏之欬。其狀有不同也。肺主氣。又主息。今肺受邪。則發而爲喘息有音。以肺屬金。金必有聲也。甚則血隨唾出。肺氣受傷也。肺欬之狀如此。手少陰心經之脉起于心中。出屬心系。其支別者。從心系上挾咽喉。手厥陰心主之脉起于胸中。出屬心包絡。故心受邪。則欬必心痛。喉中介介如有梗狀。甚則咽腫喉痺。心欬之狀如此。足厥陰肝經之脉上貫膈。布脇肋。循喉嚨之後。故肝受邪。則兩脇下痛。痛甚。則脇不可轉。如轉。則兩胛

下脹滿。肝欬之狀如此。一足太陰脾經之脉。上貫膈。挾  
咽。其支別者。復從胃別。上膈。故脾受邪。則欬必右胛下  
痛。以脾居於右也。其病陰陰然。引於肩背。蓋脾氣連肺。  
故痛引肩背也。如痛甚。則不可以動。動則欬愈劇。劇者。  
甚也。脾欬之狀如此。是少陰腎經之脉。上股內後廉。  
貫脊。屬腎。絡膀胱。其直行者。從腎上貫肝膈。入肺中。循  
喉嚨。挾舌本。又腰者。腎之府。故腎受邪。則欬必腰背相  
引而痛。甚則涎隨欬出。以腎主涎也。腎欬之狀如此。此按  
事難知集李東垣治下藏欬方肺欬用麻黃湯心欬用  
栝實湯肝欬用小柴胡湯脾欬用升麻湯腎欬用葶黃  
湯子細辛湯雖未必悉中  
酒醉結脘此以快探擇

帝曰。六府之欬奈何。安所受病。伯曰。五藏之久欬。乃移于六府。脾欬不已。則胃受之。胃之狀。欬而嘔。嘔甚則長蟲出。肝欬不已。則膽受之。膽之狀。欬而嘔。膽汁肺欬不已。則大腸受之。大腸之狀。欬而遺矢。心欬不已。則小腸受之。小腸之狀。欬而失氣。氣與欬俱失。腎欬不已。則膀胱受之。膀胱之狀。欬而遺溺。久欬不已。則三焦受之。三焦之狀。欬而腹滿。不欲食飲。此皆聚於胃。關於肺。使人多涕唾。而面浮腫。氣逆也。

此言六府之狀。由五藏所移而久欬。則三焦受之。然合五藏六府之欬。而未有不聚于胃。關於肺者也。欬必以

肺受邪而後傳之於五藏故五藏欬甚而後各傳於六府脾之脉屬脾絡胃胃之脉屬胃絡脾相爲表裏故脾欬不已則胃受之胃脉循喉嚨入缺盆下鬲屬胃故欬則必嘔嘔甚則長蟲出長蟲者蛭蟲也胃欬之狀如此肝之脉屬肝絡膽膽之脉屬膽絡肝相爲表裏故肝欬不已則膽受之膽脉從缺盆以下胸中貫鬲故欬則嘔出膽汁其味苦也膽欬之狀如此肺之脉屬肺絡大腸大腸之脉屬大腸絡肺相爲表裏故肺欬不已則大腸受之大腸之脉入缺盆絡肺下膈爲傳導之府故欬則遺矢穢物也大腸欬狀如此心之脉屬心絡小

腸小腸之脉。屬小腸絡心。相爲表裏。故心欬不已則小腸受之。小腸之下。即大腸也。今欬則下失其氣。其氣與欬而俱失也。小腸欬狀如此。六府之欬不已。則三焦受之。此三焦者。非手少陽三焦之三焦。乃上中下三焦也。見於靈樞營衛生會篇。其曰。宗氣出于上焦。營氣出于中焦。衛氣出于下焦。又曰。上焦如霧。中焦如澀。下焦如瀉。者是也。上焦在於膺中。中焦在於中脘。下焦在臍下。陰交皆在於腹。故欬則腹滿。不欲食飲也。若手少陽之三焦。則爲右腎之府。與腹無與。三焦欬狀如此。或以

陽三焦亦爲一府。何以無欬爲疑。殊不知三焦一也。勝

脫爲腎之府。三焦不過亦爲決瀆之官。今勝脫受邪而



教則手少陽三焦之教同也何以後有教哉夫五藏六府之教如此然皆鑒

之於胃以胃為五藏六府之主也關之於肺以肺先受

邪而後傳之于別藏別府也使人多涕唾而面浮腫皆

以氣逆于上故耳此乃藏府欬疾之總證也按李東垣治六府欬

方胃欬用烏梅丸膽欬用黃芩加半夏生薑湯大腸欬用赤石脂禹餘糧湯桃仁湯不止用諸藥湯分木小腸

欬用芍藥甘草湯膀胱欬用茯苓甘草湯三焦欬川錢氏異功散雖未必盡中病情姑脩此以俟採擇

帝曰治之奈何岐伯曰治藏者治其俞治府者治其合浮

腫者治其經帝曰善

此言治教之法五藏必治其俞穴六府必治其合穴浮

腫必治其藏府之經穴也五藏俞穴者肺俞太淵脾俞

天井膽合陽陵泉是也。若藏府之數而面皆浮腫則隨  
藏府之經穴而各分治之。肺之經穴經渠。大腸之經穴  
陽谿。胃之經穴解谿。脾之經穴商丘。心之經穴靈道。小  
腸之經穴陽谷。膀胱之經穴崑崙。腎之經穴復溜。心包  
絡之經穴間使。三焦之經穴支溝。膽之經穴陽輔。肝之  
經穴中封是也。

舉痛論篇第三十九

首節悉舉諸痛以爲問故名篇

黃帝問曰。余聞善言天者必有驗于人。善言古者必有合

於今善言人者必有厭于已。如此則道不惑而要數極。所謂明明也。今余問于夫子。令言而可知。視而可見。捫而可得。令驗於已。如發蒙解惑。可得而聞乎。岐伯再拜稽首對曰。何道之問也。令俱平聲

此因帝欲究言而可知。視而可見。捫而可得者。而伯以何道詰之也。

帝曰。願聞人之五藏卒痛。何氣使然。岐伯對曰。經脉流行不止。環周不休。寒氣入經而稽遲泣而不行。客于脉外則血少。客于脉中則氣不通。故卒然而痛。帝曰。其痛或卒然而止者。或痛甚不休者。或痛甚不可按者。或按之而痛止。

有或按之無益者。或喘動應手者。或心與背相引而痛者。或脇肋與少腹相引而痛者。或腹痛引陰股者。或痛宿昔而成積者。或卒然痛死不知人。少間復生者。或痛而嘔者。或腹痛而後泄者。或痛而閉不通者。凡此諸痛。各不同形。別之奈何。岐伯曰。寒氣客于脉外。則脉寒。脉寒則縮趺。縮趺則脉絀急。絀急則外引小絡。故卒然而痛得炆則痛立止。因重中於寒。則痛久矣。寒氣客于經脉之中。與炆氣相薄。則脉滿滿則痛而不可按也。寒氣稽留。炆氣從上。則脉支大。而血氣亂。故痛甚不可按也。寒氣客于腸胃之間。膜原之下。血不能散。小絡急引。故痛。按之則血氣散。故按之

痛止寒氣客於俠脊之脉則深按之不能及故按之無益也寒氣客於衝脉衝脉起於關元隨腹直上寒氣客則脉不通脉不通則氣因之故喘動應手矣寒氣客于背俞之脉則血凝泣脉泣則血虛血虛則痛其俞注于心故相引而痛按之則熱氣至熱氣至則痛止矣寒氣客于厥陰之脉厥陰之脉者絡陰器繫於肝寒氣客于脉中則血泣脉急故脇肋與少腹相引痛矣厥氣客于陰股寒氣上及少腹血泣在下相引故腹痛引陰股寒氣客于小腸膜原之間絡血之中血泣不得注于大經血氣稽留不得行故宿背而成積矣寒氣客于五藏厥逆上泄陰氣竭陽氣未入

故卒然痛死不知人。氣復反則生矣。寒氣客于腸胃厥逆

上出故痛而嘔也。寒氣客于小腸小腸不得成聚故後泄

腹痛矣。熱氣留于小腸腸中痛。澀熱焦渴則堅乾不得出

故痛而閉不通矣。辛音持俱同泣音澀俱同列彼劣切通

此言諸痛之異皆由於寒唯痛而便閉不通者則以熱

氣留于小腸故也。人之卒然而痛者蓋以經脈流行不

止環周不休寒氣入於經脈而脈氣稽遲澀滯不行或

客于經脈之外則血原少而愈澀或客于經脈之中則

脈遂澀而不通皆能卒然而痛也有等痛能卒然而止

者蓋以寒氣但客于經脈之外則經脈亦寒遂致縮蹇

絀急。衛氣不得流通外則牽引小絡之脉。故卒然而痛。偶得炅氣。或火或湯之類。則衛氣行于外。故卒然而痛。又止也。炅者。熱氣也。有等痛甚不休者。蓋以寒氣客於經脉之外。既中於前而又中於後。則重中於寒。故痛之愈久也。有等痛甚不可按者。蓋以寒氣客于經脉之中。內有內熱之氣外出。寒氣與熱氣相薄。則經脉自滿。惟其滿則脉充大。時血與氣亂。故痛甚而不可按也。有等按之而痛止者。蓋以寒氣客於腸胃之間。膜原之下。謂膜原之膜原。內有血因寒而不散。內有小絡因寒而急。謂痛育之原。引故痛。按之則血氣自散。小絡自緩。故按之而痛止也。

但按後復痛。當有去寒之法耳。有等按之無益而痛自若者。蓋以寒氣客于俠脊之脉。則中爲督脉而兩旁爲足太陽膀胱經之脉。俠脊而行者也。寒氣入于風門。則日深一日。雖按之亦不能及。故按之無益也。有等痛至發喘應手而動者。蓋以寒氣客于衝脉。衝脉起於關元。在臍下三寸。按骨空論云。衝脉起于氣衝。今日關元者。蓋任脉當臍中而上行。衝脉俠臍兩傍而上行。則本起于氣衝而與任脉並行。故謂之起于關元亦可也。隨腹直上。卽俠臍上行。至胃中而散也。寒氣客之。則衝脉不通。氣不能上。故發喘而動。則應手而痛也。有等心與背相引而痛者。蓋以寒氣客於背俞之脉。屬足太陽膀胱經。凡五藏六府之俞穴。



皆屬於此經也。寒客之則脉自澀。其血虛虛則痛。其俞  
內通于心。正以陽病行於陰也。故背與心相引而痛。但  
按之則腹中之熱氣至。熱氣至則痛亦止矣。有等脇肋  
與少腹相引而痛者。蓋以寒氣客于足厥陰肝經之脉  
此脉循陰股入髀中環陰器抵少腹上貫鬲布脇肋。今  
寒氣客於肝經之脉則血澀脉急故脇肋與少腹相引  
而痛矣。有等腹痛引陰股者。蓋肝脉循陰股而上寒氣  
客之上抵少腹則血澀不行上下相引故腹痛引陰股  
也。有等痛之宿昔而成積者。蓋以寒氣客于小腸膜原  
之間絡血之中其血凝泣不得外注于大經之脉血氣

在腎而不行。故痛至反折而成積聚也。有等卒然痛死。不知人。少間卽復生者。蓋以寒氣客于五藏。五藏之氣厥逆而上泄。不附諸藏。則陰經之氣竭。衛氣不得入。故寒氣壅滯。卒然痛死。不能知人。待藏氣復反。衛氣既入。則生矣。有等痛而嘔者。蓋以寒氣客于腸胃。腸胃之氣厥逆而上出。故痛而作嘔也。有等腹痛而後泄者。蓋以寒氣客于小腸。小腸爲受盛之府。寒邪客之。則不得結聚而傳入於大腸。所以後泄而痛也。有等痛而便閉不通者。蓋以熱氣客於小腸。腸中作痛。癰熱焦渴。則且堅而乾不得出。故痛而便閉不通也。由此觀之。則諸痛皆

寒而唯便閉不通為有熱。此皆言之而可知也。

帝曰：所謂言而可知者也。視其可見，奈何？岐伯曰：五藏六府固盡有部，視其五色，黃赤為熱，白為寒，青黑為痛。此所謂視而可見者也。按靈樞五色篇第

四節義與此同

此言視之而可見者，唯辨其面部之色而已。蓋五藏六府雖在于內，而面上分部皆盡有之。視其五色，黃赤為熱，非內熱則外不黃赤也。白為寒，非內寒則外不白也。青黑為痛，非內痛則外不青黑也。此所謂視之而可見者如此。

帝曰：捫而可得，奈何？岐伯曰：視其主病之脉，堅而血及陷

下者皆可捫而得也。

此言捫之而可得者。唯按其主病之脉。堅而不散。及血  
結脉陷而已。蓋藏府各有主病。必有其脉。而分肉之部  
其血必結。其脉必陷。故可捫之而知病也。

帝曰。善。余知百病生于氣也。怒則氣上。喜則氣緩。悲則氣  
消。恐則氣下。寒則氣收。炅則氣泄。驚則氣亂。勞則氣耗。思  
則氣結。九氣不同。何病之生。岐伯曰。怒則氣逆。甚則嘔血。  
及飧泄。故氣上矣。喜則氣和。志達營衛通利。故氣緩矣。悲  
則心系急。肺布葉舉。而止焦不通營衛不散。熱氣在中。故  
氣消矣。恐則精却。却則上焦閉。閉則氣還。還則下焦脹。故

氣不行矣。寒則腠理閉，氣不行，故氣收矣。氣收則腠理閉，營衛通，汗大泄，故氣泄矣。驚則心無所倚，神無所歸，慮無所定，故氣亂矣。勞則喘且汗出，外內皆越，故氣耗矣。思則心有所存，神有所歸，正氣留而不行，故氣結矣。吳音

此因帝以九氣爲問，而伯明言之也。怒則氣上行者，正以肝主于怒，怒則厥氣上逆，故甚則嘔血也。肝木乘脾，則脾爲木侮，故下爲殄泄，所謂暴注下迫者是也。喜則氣緩者，正以喜屬於心，喜則氣已和，志已達，營行經脉之內，衛行分肉之間，自然通利而無間，大氣自覺舒緩也。悲則氣消者，正以精氣并于肺則悲。見宣明五氣論悲則心

系必急。靈樞口問篇云。悲哀愁憂則心動。肺與心皆在  
兩上。唯心系急。故肺隨系急而上布。其肺葉皆舉。所以  
上焦不通。營氣在內。不能行之經脉之中。衛氣不得出  
以行於諸陽之表。營衛不散而熱氣相蒸于其中。故上  
焦之大氣自爲之漸消也。恐則氣下者。正以精氣并于  
腎。則恐腎脉自足。心湧泉出內踝。上股內後廉。貫脊屬  
腎。絡膀胱。其直行者從腎貫肝鬲入肺中。循喉嚨。俠舌  
本。其支者從肺出。絡心注胸中。今恐則精氣却而不能  
上行。上焦自閉。閉則氣復還于下。下焦遂脹。故氣不能  
上行而仍在于下也。

按新校正以氣不能行作氣下行似于恐則氣下文理覺順但腎三

恐其氣原在干下。經脈宜從上行。今日下行。要見從何而下行。有背于足之三陰。自足走腹之義。蓋新校正者不知經脈。寒則氣收者。蓋以身寒則腠理閉。衛氣不得行故也。熱則氣收者。正以是行于外。故藏府之氣收斂于內也。是則氣泄者。正以是者。熱也。熱則腠理開。營衛通汗大泄。故氣泄于外也。驚則氣亂者。正以心之志為神。驚則心無所倚。若神無所歸。宿慮無所定。一故氣因之而亂也。勞則氣耗者。正以人有勞後。則氣動而喘息。其汗必出於外。夫喘則內氣越。汗出則外氣越。故氣以之而耗散也。思則氣結者。正以心之官則思。思則心有所存。神有所歸。其氣留畜而不行。故氣結也。

腹中論篇第四十

篇內所論者皆腹中之病故名篇

黃帝問曰有病心腹滿且食則不能暮食此為何病岐伯對曰名為鼓脹帝曰治之奈何岐伯曰治之以雞矢醴一劑知二劑已帝曰其時有復發者何也岐伯曰此飲食不節故時有病也雖然其病且已時故當病氣聚於腹也

同靈樞經天剛柔篇末節有馬矢燼中其矢亦與屎同

此論鼓脹之病而有治之之方也帝問病有心腹脹滿且食而不能暮食蓋以脹則不能再食耳伯言名之為鼓脹也治之者以雞屎為醴飲之服一劑則覺病有退意服二劑則病自己矣

按雞屎醴方見醫學正傳古今醫鑑袖珍等書及他書甚多難



屎用乾者入合炒香以無灰好酒三碗入之共煎至乾  
一半許用布濾出其汁五更熱飲則腹鳴晨已時後  
二三次皆黑水也次日覺尿面漸有線紋又飲一次則  
溺綿至膝上而病愈矣但難尿用燭雖者氣急又山間  
畜之者更効要知山間多吞其愈後有腹脹者特以飲  
毒至而有以毒攻毒之意

食不節故耳正以病將愈時而飲食復傷則邪氣復聚  
於腹所以為之再脹也慎哉

帝曰有病胸脇支滿者妨於食病至則先聞腥臊臭出清  
液先唾血四支清目眩時時前後血病名為何何以得之  
岐伯曰病名血枯此得之年少時有所大脫血若醉入房  
中氣竭肝傷故月事衰少不來也帝曰治之奈何復以何  
術岐伯曰以四烏鯁骨一蘆茹二物并合之丸以雀卵大

五以五丸為後飯。飲以鮑魚汁。利腸中。及傷肝也。

同慈蘭同本

草作蘭茹

此論血枯之病。而有治之之方也。帝問病有胸脇支肋

俱滿者。妨害于食。方病將至之時。則先聞腥臊臭。

金匱真言

論論肝其臭腥

先出清液

清涕從鼻而出皆證之在上者王註以為從筋脈而下者

非先唾血。先四支冷。先目瞑眩。及其病至。則時時前後

皆出血。此為何病。伯言此名為血枯也。是得之年少之

時。曾大脫血。凡鼻衄便血吐血皆是也。其人不知所慎

醉以入房。致使醉則損傷其中氣而竭絕入房。則勞其

肝氣而受傷。蓋司閉藏者腎也。司疏泄者肝也。故入房

不惟傷腎而且傷肝也。在丈夫則精液衰乏，女子則月  
事衰少不來也。但本節則主女子而言耳。馴至其後則  
腎肝脾三經日以益衰，所以先有將病諸證，而時時前  
後下血也。治之者，唯用烏賊骨四錢，茹一。二物并合之，  
以雀卵為丸，大如小豆，每用五丸，先服其藥，而飯則後  
之。且又飲以鮑魚之汁，利其腸中，及肝氣受傷，必有積  
血，所以用此物也。王註云：烏賊骨，諸病不治，血枯  
然經言用之，是也。其所以生所起耳。失  
自以、房則腎中精氣耗竭，月事衰少，不至則十有惡  
血，淹溺故用。按大、小、草、烏、賊、骨、味、鹹、冷、平、無、毒、主、治  
女子血閉，蔥茹味辛，散氣，與有小毒，主散惡血，雀卵味  
甘，溫平，無毒，主治男子陰萎不起，強之令熱，多精，育子  
鮑魚汁，俗謂之鮑魚，治血痺，在四支不舉者。

帝曰病有少腹盛。工下左右皆有根。此為何病。可治不岐。  
伯曰病名曰伏梁。帝曰伏梁何因而得之。岐伯曰胃大腸  
血居腸胃之外。不可治。治之。每切按之。致死。帝曰何以然。  
岐伯曰此下則因陰。必下膿血。上則迫胃脘。生鬲俠胃脘。  
肉癰。此久病也。難治。居脊上為逆。居脊下為從。勿動亟奪。  
論在刺法中。不否同齊。脾同亟音氣。刺法本經篇名第七  
十二。今亡。另有熊宗立補遺。具此篇。但考之  
並無此語。

此論伏梁之證。而有亟奪之法也。帝問有病少腹盛滿。  
在上在下。在左在右。皆有根相連。此為何病。及可治否。  
伯言病名曰伏梁。按靈樞經氣藏府病形篇。有心脉微  
緩為伏梁。難終五十八難。有心積曰

伏梁此伏梁與心積之伏梁大異病有名同而實異者此類是也蓋此伏梁者暴大膿血居於腸胃之外不可輕易以治之若治之而每每切按則痛悶幾死何也少腹之中正衝帶二脉之部分帶脉起於季脇迴身一週橫絡於臍下衝脉與足少陰腎經之脉起於腎下出於氣衝循陰股其上行者出臍下關元俠臍直上循腹各行會于咽喉故病當其分則少腹盛上下左右皆有根且其下與足之三陰而相因必有時亦下有餘之膿血三陰氣亦故上則迫近於胃脘且生膈俠胃脘內之癰蓋腸胃之外既有膿血而胃脘之中亦有膿血也此豈朝夕所致哉乃日久所積也最

爲難治。使此積日升通胃。而居於脾上。則爲逆。若仍如  
初。早而居於脾下。則爲順。然所以治之者。無他法。斷不  
可輕動之也。如上下切按之。謂必致其無以奪之。則可  
以漸減而不使之上。是目。

帝曰。人有身體脾肢脢。腰脊痛。而重。是爲何病。岐伯曰。  
病名伏梁。此風根也。其氣溢於大腸。而著于背。育之原在  
齊下。故環齊而痛也。不可動之。動之爲水溺瀦之病。齊脢  
著同本節文見奇病論四十一上凡節伏梁證  
與上節絕不相同可見病有異名同而實異者

此亦論伏梁之證。而成其不可以輕動也。衝脉與足少  
陰之絡。起于腎下。出於氣街。循陰股內廉。斜入膕中。循

筋骨肉廉並足少陰經下入內踝之後入足下其上行者出臍下三寸關元之分俠臍直上循腹各行會於咽喉故身體髀股肝皆腫逆臍而痛也病雖名曰伏梁亦有風入此以爲諸證之根且衝脉與大腸相附故其病氣溢於大腸而著于膏肓之原出於臍腠北語見靈樞本論篇一名氣海又正在臍下故腰臍而痛者此耳大凡得此疾者慎不可輕易動之若動之當爲水瀦艱滿之病正以衝脉起于腎下出于氣街其上行者起于胞中上出臍下關元之分故不可動之者如此何也蓋用毒藥以大下之則病本在下又復重下將使氣壅于下而不復得疏

也。由此觀之，則日逐升散之法，爲可施矣。

帝曰：夫子數言熱中消中，不可服高粱芳草石藥。石藥發  
瘕，芳草發狂。夫熱中消中者，皆富貴人也。今禁高粱，是不  
合其心。禁芳草，石藥是病不愈，願聞其說。岐伯曰：夫芳草  
之氣，美石藥之氣，悍二者，其氣急疾堅勁，故非緩心和人  
不可以服。此二者，帝曰：不可以服此二者，何以然？岐伯曰：  
夫熱氣慄悍，藥氣亦然。二者相遇，恐內傷脾。脾者，土也，而  
惡木。服此藥者，至甲乙日更論熱音朔高音同  
其讀同惡去志。

此詳熱中消中者，不可服高粱芳草石藥也。多飲數溲，  
謂之熱中。多食數溲，謂之消中。犯此二疾者，不可服膏。



梁之味與芳草石藥正以多喜曰癩多怒曰狂彼石藥  
發癩芳早發狂故耳然而熱中消中乃富貴人之疾今  
禁膏則不合其心禁芳草石藥則病又不愈此帝之  
所以疑也通評虛實論云凡治消癰肥貴人則膏梁之  
行其精氣其液在脾故令人口甘此肥美之所發也此  
人必數食甘美而多肥也肥者令人熱中甘者令人中  
滯故其氣濁也言芳草氣美石藥氣悍甘急疾堅勁非  
性緩心和者不可以輕服何也止以熱消一證熱風在  
內者慄悍而藥氣急疾堅勁苟輕服之則二者相遇是  
傷脾氣至甲乙日診之則脾氣之傷否見矣蓋脾者土  
也土惡木尅凡服此藥者過甲乙日則不必勝土藥之

爲害不容掩也

帝曰善有病膺腫頭痛胸滿腹脹此爲何病何以得之岐伯曰名厥逆帝曰治之奈何岐伯曰灸之則瘳石之則狂須其氣并乃可治也帝曰何以然岐伯曰陽氣重上有餘於上灸之則陽氣入陰入則瘳石之則陽氣虛虛則狂須其氣并而治之可使全也

重平

此論厥逆之證必待其陰陽氣并而後可治之也膺頸胸腹皆在上中二焦也今膺腫頸痛胸滿腹脹則下氣逆上病名曰厥逆斯時也陽氣重上而在上爲有餘灸之則陽氣隨火而入陰分火與陽俱入陰不能支故爲

瘖石之則陽氣在上而又乘鍼出則陽氣益虛虛則狂  
必須其陽氣從上而降陰氣從下而升陰陽相并然後  
治之或灸或鍼可使全也所謂陽氣者衛氣也陰氣者  
營氣也按此乃內傷之證非由于外感者歟  
帝曰善何以知懷子之且生也岐伯曰身有病而無邪脉  
也

此言懷子之將生者身雖經閉而脉則無病也身有病  
者經閉也無邪脉者尺中之脉和勻也大凡婦人懷妊  
一月則陰陽之精尚未變化二月則精氣正變其氣薰  
蒸衝胃而爲惡阻至三四月則惡阻少止肝甚滑疾蓋

男女正成。形質其氣未定也。至五六月已後。則形質已

定。男女既分。及八九月。其脉平和。如無娠然。非醫工

深明脉理。病家肯明言者。難以診而知也。脉訣云。滑疾

但疾而散。五月母至六月已後。則疾速亦無矣。然亦故

有始終洪數不變者。其氣甚盛。不可以一例拘也。帝問懷子將生者。何以知之。正此意耳。伯言身雖有經

閉之病。而實無經閉之脉。彼經閉之脉。尺中來而斷絕

或按之全無者是也。此則脉體平和勻靜。乃無病之脉

蓋至於八九月而然。正懷子將生之候耳。

而曰病熱而有所痛者。何也。岐伯曰。病熱者。陽脉也。以三

陽之動也。人迎一盛少陽。二盛太陽。三盛陽明。入陰也。夫

陽入于陰。故病在頭與腹。乃臍脹而頭痛也。帝曰善。

此言病熱而有所痛者。正以外感之疾。陽畢入陰。故外頭痛而內腹脹也。蓋凡病熱者。屬于陽脉。乃三陽經之脉動也。故左手寸部。名曰人迎。正三陽經之脉動。所以候外感也。六節藏氣論。靈樞終始。禁服五色。四時氣等篇。皆云。人迎一盛。病在足少陽。一盛而躁。病在手少陽。人迎二盛。病在足太陽。二盛而躁。病在手太陽。人迎三盛。病在足陽明。三盛而躁。病在手陽明。三陽既畢。則入三陰。經分矣。陽入于陰。故頭主陽。腹主陰。在陰當腹臍脹。而在陽當頭痛也。熱病之有所痛者。其義如此。

刺腰痛篇第四十一

一內刺腰痛故名後人不知諸經皆能腰痛而止曰腎經者淺矣

足太陽脉令人腰痛引項脊尻背如重狀刺其郄中太陽正經出血春無見血熱天

此言膀胱經腰痛之狀而有刺之之法也足太陽脉別

下項循肩膊內俠脊抵腰中別下貫髀故令人腰痛引

項脊尻背如至重狀刺之者亦惟即委中以刺之夾中

紋中鍼五分皆及太陽正經出血乃崑崙為經穴也足

七呼灸三壯但春時木旺則水衰故春無見

血餘時則不拘也

少陽令人腰痛如以鍼刺其皮中循循然不可以俛仰不

可以顧刺少陽成骨之端出血成骨在膝外廉之骨獨起者夏無見血。

此言膽經腰痛之狀而有刺之之法也。足少陽之脉遶髦際橫入髀厭中故令腰痛。如以鍼刺其皮中循循然不可俛仰。又足少陽之脉起于目銳眦上抵頭角下耳後循頸行手陽明之前至肩上交出乎少陽之後其支別者目銳眦下大迎合手少陽于頤下加頰車下頤合缺盆故不可以顧刺之者亦惟刺其成骨之端出血按王註云成骨謂膝外近下髀骨上端兩起骨相並間陷然者指者也。筋骨所近成骨髀骨故謂之成骨也。然少陽合肝肝主于春夏時火王則木衰故夏無見血餘

時則不也。

陽明令人腰痛。不可以顧。顧如有見者。善悲。刺陽明于髀前。三痛。上下和之。出血。秋無見血。

此言胃經腰痛之狀。而有刺之之法也。足陽明脉起于鼻。交頰中。下循鼻外。入上齒中。還出俠口。環唇。下交承漿。却循頤後下廉。出大迎。其支別者。從大迎前下人迎。循喉嚨。入缺盆。又其支別者。起胃下口。循腹裏。至氣衝。而合。以下髀。故令人腰痛。不可顧。顧如有見。曰陽虛。故悲也。刺之者。亦惟于髀前三里。刺三痛。上下和之。出血。膝下三寸。胫骨外廉。兩筋間。刺一寸。留七呼。灸三壯。但陽明合髀。主長夏。秋時金



王則土衰。故秋無見血。餘時則不拘也。

足少陰令人腰痛。痛引脊。內廉刺。少陰於內踝上二痛。春無見血。出血太多不可復也。

上文言足三陽之腰痛者盡矣。而已下二節則言足少陰厥陰。但足太陰之腰痛。據繆刺論則本篇末節所言者是也。此一節言腎經腰痛之狀。而有刺之之法也。足少陰脉上股內後廉。貫脊屬腎。故令人腰痛。痛引脊之內廉也。刺之者亦惟于內踝上復溜穴刺之二痛。足內二寸筋骨陷中但春時木王則水衰。故春無見血。與足太陽同。若出血太多。則腰痛如故。腎氣不可復也。

厥陰之脉。今人腰痛。腰中如張弓弩弦。刺厥陰之脉。在臑  
踵魚腹之外。循之累累然。乃刺之。其病令人善言。嘿嘿然  
不慧。刺之三瘠。嘿然

此言肝經腰痛之狀。而有刺之之法也。足厥陰脉自陰  
股環陰器。抵少腹。其支別者。與太陰少陽結于腰髀下。  
俠脊第三第四骨空中。其穴即中膠下膠。故腰痛則中  
如張弓弩之弦也。如張弦者。言筋急之甚耳。刺之者。亦  
惟在臑之下。踵之上。魚腹之外。蓋臑形本如魚腹。故魚  
腹即臑也。循其分肉。有血絡累累然。乃刺之。此正當蠡  
溝穴耳。穴內踝骨前上五寸。屬肝之絡。穴鍼二分。骨三呼。灸七壯。且厥陰之脉。循喉

龍之後。上入頤頤。故病則善言。然風盛則昏冒。故默默

然不笑慧也。曰善者。猶善欠善呻之謂。刺之者止三痛

而已。按靈樞經脉篇亦云足厥陰之脉令人腰痛痛而引脊目眩眈然時遺洩刺解脉在膝

解脉令人腰痛痛而引脊目眩眈然時遺洩刺解脉在膝  
肌肉分間。郤外廉之橫脉出血。血變而止。解脉令人腰痛  
如引帶常如折腰狀。善恐刺解脉在郤中結絡如黍米刺  
之。血射以黑。見赤血而已。

此兩言解脉腰痛之狀。而刺之亦異其法也。解脉者。膀  
胱經之脉也。足太陽之脉起于目內眥。上額交巔上循  
肩膊俠脊抵腰中入循脊絡腎。屬膀胱下入臍中。又其

支別者。從臍內別下貫臍。循臍外後廉而下合於臍中。  
兩脉如繩之解腰。故名解脉。解者。散行意也。言不合而  
別行也。故解脉令人腰痛。痛必引肩。目眈眈然不明。時  
遺洩。皆膀胱之證候也。刺解脉者。在臍後筋肉相分之  
間。正郛中外廉之橫脉。有血絡橫見。迢然紫黑而盛滿  
者。乃刺之。當見黑血。必候其血色變赤。乃止。鍼也不唯  
是也。又足太陽之別脉。自肩而別下循背脊至腰而橫  
入臍外後廉下合臍中。故解脉令人腰痛。又如引帶。如  
折腰之狀。又且善恐。膀胱與腎爲表裏。腎虛則多恐也。  
刺解脉者。在郛中。卽委中也。結絡如黍米。屢刺之。其血

射必黑刺之見赤血而止鍼上文言郄之外廉橫脉而

此曰郄中此其有不同耳郄中即委中穴膝後曲處

灸三壯按此節雖言解脉其實是指膀胱經腰痛也

同陰之脉令人腰痛痛如小錘居其中怫然腫刺同陰之

脉在外踝上絕骨之端為三痛太素小錘作小鍼佛音弗聲意

此言同陰之脉有腰痛之狀而有刺之之法也同陰之

脉者謂膽經之脉同於足厥陰肝經也是少陽之別循

解陽出膝外廉下輔骨抵絕骨下出外踝循足跗上小

指次指又其支者別跗上入大指岐骨間故曰同陰之

脉也其腰痛如小鍼居其中而怫然發腫當取外踝上

絕骨之端曰陽輔穴者刺之為三痛。足外踝上四寸絕骨端三分刺五分

督七呼灸三壯

陽維之脉令人腰痛痛上怫然腫刺陽維之脉脉與太陽合臑下間去地一尺所同

此言陽維之脉有腰痛之狀而有刺之之法也按難經

二十八難云陽維起于諸陽之會按陽維所發別于金

足太陽及躡脉會于臑俞與手少陽會于天窳及會肩井與足少陽會于陽白上本神臨泣正營空下至風

池由督脉會于風府瘰門然起于金門則足太陽者乃此陽維之起于諸陽也

其脉氣之所發也故其令人腰痛痛之上如怫然而腫

刺之者亦以其脉與太陽相合臑下間去地一尺所

刺之則承山穴是也。

一名魚腹一名肉柱一名傷山名喘弱下分肉間胛中一云腹壯下

分肉間鍼七分得氣即瀉速出鍼灸不及鍼

衡絡之脉令人腰痛不可以俛仰。仰則恐仆得之舉重傷

腰。衡絡絕惡血歸之。刺之在郄陽筋之間上郄數寸衡居

爲二瘡出血。

衡作橫禮檀弓古者冠縮縫今也衡縫

此言衡絡之脉有腰痛之狀而有刺之之法也。衡者橫

也。太陽之外絡自腰中橫入髀外後廉而下合於膕中。

今舉重傷腰則橫絡之脉阻絕惡血乃歸故腰痛不可

以俛仰。仰則恐仆也。刺之者在郄中外筋之間上郄數

寸。橫居之穴曰委陽殷門者爲二瘡出血。

委陽風扶下一十六分鍼

七分督五寸灸三壯腰門承其下六寸鍼七分其六寸與六寸六分不相遠故總曰數寸

會陰之脉令人腰痛。痛上漯漯然汗出。汗乾令人欲飲。飲已欲走。刺直陽之脉上三痛。在躄上郄下五寸橫居。視其盛者出血。

此言會陰之脉有腰痛之狀而有刺之之法也。會陰者本任脉經之穴名。督脉由會陰而行于背。則會陰之脉自腰下會于後陰。其脉受邪亦能使人腰痛也。王註以陽之中經其脉循腰下會于後陰故曰會陰之脉其所痛之上漯漯然汗出。汗液既出則腎燥陰虛故汗乾。即欲飲水以救腎。水既入腹已陰氣復至。故欲走。刺之者當刺直陽之脉上三痛。



直陽之脉者。以足太陽之脉俠脊下行貫臀下至臍中。  
下循臍過外踝之後直而行者。故曰直陽之脉也。躄為  
陽躄。即中脉穴。都為委中。今穴在躄之上。都之下。約有  
五寸。則承筋穴是也。正與上下相半。若橫居然視其血  
絡之盛者出血可也。承筋一名臍陽一名直陽。臍中  
夾臍中。臍後。臍上七寸。灸三壯。

鍼禁

飛陽之脉。令人腰痛。痛上怫怫然。甚則悲。以恐刺飛陽之  
脉。在內踝上五寸。少陰之前。與陰維之會。

此言飛陽之脉。有腰痛之狀。而有刺之之法也。飛陽本  
足太陽經穴名也。此穴為足太陽之絡。別走少陰。其今

人腰痛。痛之上。怫怫然言其腫。如有怒而然也。惟其別走少陰。少陰之脉從腎上貫鬲入肺中。循喉嚨俠舌本。其支別者從肺出絡心。注膻中。故甚則悲以恐也。恐者生于腎。悲者生于心。刺之者亦惟刺內踝上五寸之築賓穴。係足少陰腎經也。在少陰之前與陰維爲合。正所以治飛陽之腰痛耳。內踝上五寸。肱分中陰維之別。臑四合。留五。并灸三壯。昌陽之脉令人腰痛。痛引脣。目眴眴然。甚則反折。舌卷不能言。刺內筋爲二病。在內踝上大筋前。太陰後。上踝二寸所。

此言昌陽之脉有腰痛之狀而有刺之之法也。昌陽係

足少陰腎經穴名。又名復溜。又名足少陰之脉其直行

者從腎上貫肝。南入肺中。循喉嚨。俠舌本。其支者從肺

出絡心。注胸中。故昌陽之脉令人腰痛。其痛引膺。以膺

即胃之旁也。又陰蹻為足少陰之別。循股入胸裏。入缺

盆。出人迎。入頰內廉。屬目內眥。合於太陽。故目眴眴然

不明也。甚則反折。腰不能伸也。古卷不能言。以脉循喉

嚨也。刺之者。亦惟以復溜在內筋中。為二痛。其穴在內

踝上大筋之前。太陰經之後。踝上二寸所。則其正穴也。

復溜在足內踝上二寸。筋骨陷中。減三分。陷下。呼灸五壯。腎虛補之。

散脉令人腰痛而熱。熱甚生煩。腰下如有橫脉居其中。甚

則遺洩刺散脉在膝前骨肉分間絡外廉束脉爲三痛

此言散脉有腰痛之狀而有刺之之法也散脉者王註

以爲足太陰之別也散行而上故名其脉循股內入腹

中與少陰少陽結于腰髁骨空中故痛則腰下如有攢

木居其中其乃遺洩也刺之者亦惟在膝前內側骨肉

分間乃輔骨之下下廉腓肉之兩間也絡外廉者太陰

之絡色青而見者也輔骨之下後有大筋結束膝肝之

骨令其連屬取此筋骨繫束之處脉以去其病是曰地

機三刺而已故曰束脉爲之三痛也膝下五寸膝內側

取之足太陰經別走上一有金鍼五分灸三壯思于

此節散脉有疑何王註便以爲足太陰之也機通考他

處又無散脉之說但按地機穴亦治腰痛不可與仰故且從王註耳高明者正之

肉里之脉令人腰痛不可以欬欬則筋縮急刺肉里之脉為二痛在太陽之外少陽絕骨之後

此言肉里之脉有腰痛之狀而有刺之之法也足少陽膽經有陽輔穴又名分肉故王氏以肉里為分肉肉里之脉令人腰痛痛則不可以欬欬則筋縮急蓋足少陽主筋故也刺之者亦惟取分肉之脉為二痛其穴在足太陽膀胱經之外本經絕骨穴之後去足外踝四寸乃其正穴也

足外踝上四寸輔骨前筋骨端三分去地二寸五分留五時灸三壯按以肉里為分

肉亦可疑但筋縮急乃膽經所主試觀陽陵泉為筋會則在膽經為有理况考分肉穴治腰痛溶溶若坐水中

痛俠脊而痛至頭兀兀然目眴眴欲僵仆刺足太陽  
止出血。

此言腰痛之證有關於足太陽者當卽其本經而刺之  
也。足太陽膀胱經之脉起于目内眦上額交巔其直者  
從巔入絡腦還出別下項循肩膊内俠脊抵腰中故腰  
痛之疾有俠脊而痛者至頭兀兀然成無已擗傷寒論  
以爲伸頸之貌也。目眴眴然者以其起于内眦睛明穴  
故目中似有不明也。氣并於上故病在上刺之者亦惟  
取下之郄中穴卽委中也刺之出血則氣降而疾愈矣。

腦中央約紋中動脉陷中  
絃五分留七呼吸三壯

腰痛上寒刺足大陽陽明上熱刺足厥陰不可以俛仰刺足少陽中熱而喘刺足少陰刺却中出血

此言腰痛而可顧者有此四證當分經以治之也。卽下卽觀之則此節乃腰痛而可顧者也。故言腰痛而可顧者其腰痛之上寒則刺足太陽膀胱經足陽明胃經之穴而使之熱焉可也其所痛之上熱則刺足厥陰肝經之穴而使之寒焉可也其痛不可以俛仰則刺足少陽帶經之穴可也其痛時中熱而喘則刺足少陰腎經之穴與足太陰膀胱經之郄中出血可也。

泉大鍾二穴刺  
中分寸是前

據下節王氏以  
刺足少陰爲陽

腰痛上寒不可顧刺足陽明上熱刺足太陰中熱而喘刺足少陰。

此言腰痛不可顧者有此三證亦當分經以治之也又

言腰痛不可顧者其腰痛之上寒則刺足陽明胃經之

穴。王氏以為陰市上之膝上三寸伏其所痛之上熱則

刺足太陰脾經之穴。王氏以為地機其痛時中熱而喘

則刺足少陰腎經之穴。王氏以為湧泉大鍾主之湧泉

取之鉤三分留三時無令出血灸三壯大鍾足跟

後踵中大骨上兩筋間鉤二分留七時灸三壯

大便難刺足少陰

此言腰痛而大便難者當刺足少陰腎經之穴也。王氏以為



湧泉主  
之見前

少腹滿刺足厥陰。

此言腰痛而少腹滿者當刺足厥陰肝經之穴也。王氏以陽

太衝主之足大指本節後二寸  
陷中鍼三分每十呼灸三壯

如折不可以俛仰不可舉刺足太陽。

此言腰痛而有此三證者當刺足太陽膀胱經之穴也。

如折王氏以為束骨主之不可以俛仰系骨崑崙  
患主之不可舉申脉係參悉主之俱係膀胱經穴

引脊內廉刺足少陰。

此言腰痛引脊內廉者當刺足少陰腎經之穴也。王氏以高

後海主  
之見前

腰痛引少腹控眇不可以仰刺腰尻交者兩髀脾上以月生死爲痛數發鍼立已左取右右取左

眇音秋本節條見  
經刺論仰字下有

息字脾  
音中

此言腰痛而內引少腹控其眇處不可以仰者當有刺之之法也控按也眇季脇之下空軟處也腰尻交者足太陰厥陰少陽三脉左右交結於中故曰腰尻交也兩踝卽腰骨兩旁起骨也脾兩髀骨下隴起肉也按此節條見繆刺論彼云邪客于足太陰之絡今人腰痛則知此係脾經腰痛也足太陰之絡從髀合陽明上貫尻骨與厥陰少陽結於下膠而循尻骨入腹上絡噎貫舌中

故腰痛則引小腹而皆痛。按其眇則絡脉拘急，不可以  
仰伸而喘息也。刺之者，亦惟在腰尻之交兩踝腓之上。  
即八膠中之第四膠下膠穴也。以月死生為痛數者，繆  
刺論云：月生一日一痛，二日二痛，十五日十五痛，十六  
日十四痛，蓋望日已前為月生，漸次加多；望日以後為  
月死，漸次加少。左痛則取右，右痛則取左，正所謂繆刺  
也。

風論篇第四十二

內論五藏六府之風。故名後世論。

風僂枯各立為一篇。蓋此篇亦以中風為重。傷風為輕。不知此篇曰中風，無以異也。

黃帝問曰：風之傷人也，或為寒熱，或為熱中，或

入藏風或爲偏枯或爲風也其病各異其名不同或內至  
五藏六府不知其解願聞其說類音

此帝悉舉風病名色爲問而欲解其義也

岐伯對曰風氣藏於皮膚之間內不得通外不得泄風者  
善行而數變腠理開則洒然寒閉則熱而悶其寒也則衰  
食飲其熱也則消肌肉故使人怵慄而不能食名曰寒熱  
數音朔 衰去聲

此卽風證之有寒熱自皮膚而入者也洒然寒貌悶不  
爽貌怵慄振寒貌言風氣藏于皮膚之間內不得通之  
而入外不得泄之而出是風者直善于行動而數能變

化者也。方其腠理開時，則風得客之者，洒然而寒。及其  
閉也，則寒極爲熱者，蒸然而悶。其寒則寒氣入胃，飲食  
衰少。熱則熱氣內藏，肌肉漸消。寒熱交作，使人怵慄而  
不能食。此所以名之爲寒熱也。

風氣與陽明入胃，循脉而上。至目內眦，其人肥則風氣不  
得外泄，則爲熱中。而目黃。人瘦則外泄而寒，則爲寒中。而  
泣出。皆音

此言風證有熱中寒中二證，皆自陽明而入者也。陽明  
者，卽足陽明胃經脉也。胃脉起于鼻交頰中，下循鼻外，  
入上齒中，還出俠口，環唇下，交承漿，却循頤後下廉，循

喉嚨入缺盆下膈屬胃故風氣與陽明經入胃循脉而上至目內眥也其人肥者則腠理密故風氣不得外泄所以風氣內熱則爲熱中而目黃其人瘦者則腠理開踈風氣仍復外泄而寒所以內無風氣則內無所蒸乃爲寒中而泣出夫熱中寒中以人有肥瘦不同而目有爲黃爲泣之可驗者如此。

風氣與太陽俱入行諸脉俞散于分肉之間與衛氣相干其道不利故使肌肉攢蹙而有瘍衛氣有所凝而不行故其肉有不仁也

此言風證之肉有不仁自太陽而入者也十一經以足

太陽爲巨陽。凡五藏六府之俞穴皆在于背而屬之于太陽經也。風氣與太陽俱入。必自風門而感者行諸脉俞。散于分肉之間。彼衛氣天明。目開。則出自睛明穴。亦行諸脉俞。而散之分肉之間。今風氣欲入而衛氣欲出。彼此相犯。其所行之道路不利。故風寒凝滯于肌肉。而肌肉憤脹。瘡瘍遍體。衛氣亦有所凝而不能行。故其肉有不仁。雖冷熱痛癢而皆不知也。蓋果核中有仁。惟肉無所知。則若有不能如仁有生意矣。遂以不仁名之也。夫帝無此問。而伯對之。蓋因帝缺此不問耳。

癘者。有營氣熱。腑其氣不清。故使其鼻柱壞而色敗。皮膚

瘍潰風寒客于脉而不去名曰癰風或名曰寒熱

癰音願  
熱當作

商長刺節論篇云病大風骨節重煩有墜名曰大風刺肌  
肉為故汗出百日刺骨橫汗出自口凡二百日髮眉生而  
一此與此節相同故錄之骨空論首二節  
大風乃初時所感大風而此則已成為癰矣

此言風證之有癰者自營氣受傷而然也營氣者陰氣  
也營氣行于經脉之中今風氣感之則營氣熱腐其氣  
不清唯鼻為呼吸之所外焉五氣入于鼻內焉腐氣出  
于鼻致使鼻柱變壞面色敗惡皮膚成瘡瘍而潰爛其  
風寒客于脉而終不能去名曰癰風然亦有時而發寒  
熱故或者亦以寒熱名之也

以春甲乙傷于風者為肝風以夏丙丁傷于風者為心風



以季夏戊己傷于邪者為脾風以秋庚辛中於邪者為肺

風以冬壬癸中於邪者為腎風此此節曰傷曰中互言則

風門為中風名傷風門為傷風視中風為重傷風為輕朱丹密有曰中曰傷之辨聲矣

此以五藏之風告之也肝主于春心主于夏脾主于季

夏肺主于秋腎主于冬然五藏之正氣虛則邪氣反勝

者感之故春之甲乙日肝傷于風而為肝風夏之丙丁

日心傷于風而為心風季夏之戊己日脾傷于風而為

脾風秋之庚辛日肺傷于風而為肺風冬之壬癸日腎

傷于風而為腎風此五藏之風所由成也帝雖未及問

而伯告之者如此

風中五藏六府之俞亦爲藏府之風名。其門戶所中則爲偏風。

此言風證之有偏風者。自風客入藏府而然也。風中五藏六府之俞穴。各入其門戶。則或左或右。或上或下。偏于一所。是之爲偏風也。此正所以答首節偏枯之問耳。風氣循風府而上。則爲腦風。風入係頭。則爲目風。眼寒飲酒中風。則爲漏風。入乃汗出中風。則爲內風。新沐中風。則爲自風。久風入中。則爲腸風。飧泄。外在腠理。則爲泄風。故風有百病之變也。至其變化。乃爲他病也。無常方然。致有風氣也。

此言風之所感有不同。故病之所成者有爲腦風爲目  
風爲漏風爲內風爲首風爲腸風爲泄風也。風府者督  
脉經穴也。在項後入髮際一寸大筋內風氣循風府而上乃腦戶穴  
也。亦督脉經穴故風入腦而爲腦風。目在于前而其系別在  
于頭之腦。風入繫頭則傳入于目。而爲目風。其眼當畏  
寒也。飲酒中風則風得入而在腠理。每遇飲酒則汗  
出。是之謂漏風也。入房汗出而中風則內耗其精。外開  
腠理。因內而風襲之。是之謂內風也。沐首中風則首爲  
風痛。而遇風則發。是之謂首風也。風久入于其中則爲  
腸風。其食有時不化而出也。風初感時外在腠理內熱

風不得入內。汗則常泄。是之謂泄風也。故風者。本爲百病之長。至其變化。則不止于風。而變爲他病。如方向之無定所也。此皆風氣所致。養生者其慎之。

帝曰。五藏風之形狀不同者何。願聞其診。及其病能岐伯曰。肺風之狀。多汗惡風。色餅然白。時欬短氣。晝日則差。暮則甚。診在眉上。其色白。心風之狀。多汗惡風。焦絕。善怒。嚇赤色。病甚則言不可快。診在口。其色赤。肝風之狀。多汗惡風。善悲。色微蒼。噎乾。善怒。時憎女子。診在目下。其色青。脾風之狀。多汗惡風。身體怠惰。四支不欲動。色薄微黃。不嗜食。診在鼻上。其色黃。腎風之狀。多汗惡風。面龐然浮腫。脊

補不能正立其色始隱則不利診在肌上其色黑能耐同

能耐同音益  
音同音益

此舉五藏之風狀而詳告之也凡內多風氣則熱有餘  
熱則腠理開故多汗風薄于內故惡風故五藏之感風  
無不多汗而惡風也肺風之狀多汗惡風惟肺藏感  
風則色餅然而白以肺屬金之色也在變動為欬主藏  
氣風內迫之故時作咳欬其氣短少也書則衛氣在表  
故風病在表者覺癢夜則衛氣行陰故風病在內者覺  
甚臂上乃關庭之部所以外司肺候靈樞五色篇以其  
為胸中者肺也其  
色白者肺風之色也心風之狀多汗惡風心受邪正

在中。故上中下三焦之氣并盛。煩難而似有眩絕。且心  
不受邪。今則神亂火盛。善怒。其人其色當赤也。及其病  
甚。則心脉支別者。從心系上俠咽喉而主舌。故言亦不  
快也。口唇之色赤。以赤爲心之色也。肝風之狀。多汗  
惡風。肝病則心藏無養。心氣虛故善悲。肝合木。木色蒼。  
故色微蒼也。肝脉循股陰入臍中。環陰器。抵少腹。俠胃  
屬肝絡膽。上貫兩布脇肋。循喉嚨之後。入頰頰。上出頰  
與督脉會于顛。其支別者。從目系下頰裏。環唇內。故嗔  
乾善怒。時憎女子。診在目下。其色當青也。時憎女子者。  
以女子之性。易與之忤。而彼正值肝病。其憎益甚也。

脾風之狀多汗惡風脾主肉故身體怠惰脾主四支故四支不欲動色薄漸黃以脾土主黃色也不嗜食以脾氣虛也鼻居中土主中央故診在鼻上其色當黃也  
腎風之狀多汗惡風腎者陰也目下亦陰也故腎受風則面龐然而浮腫腎脉起于足下上循膈肉出臍內廉上股內後廉貫脊故脊痛不能正立也面色如皀之黑者腎之色黑也腎藏精外應交接今藏破風薄精氣內微故隱蔽委曲之事不利于所爲也肌膚之上大約色黑皆腎氣受邪而色斯外見也

胃風之狀頸多汗惡風食飲不下胃寒不通腹善滿失衣

則臍脹食寒則泄診形瘦而腹大

此以胃風之狀告之也首節帝問五藏六府之風故此節以胃風為對然止言胃風而未及他府者意胃為六府之長也第四節中有腸風亦六府中有二矣胃脉支別者從臍後下廉過人迎循喉嚨入缺盆下膈屬胃絡脾其直行者從缺盆下乳內廉下俠臍入氣街中其支別者起胃下口循腹裏至氣街中而合故頸多汗食飲不下而寒不通腹善滿也然失衣則外寒而中熱故腹脹食寒則寒物薄胃而陽不內消故泄利胃合脾而主肉胃氣不足則肉不長故瘦也胃中風氣畜聚故腹



大也

首風之狀頭面多汗惡風當先風一日則病甚頭痛不可  
以出內至其風止則病少愈漏風之狀或多汗常不可單  
衣食則汗出甚則身汗喘息惡風衣常濡口乾苦渴不能  
勞事泄風之狀多汗汗出泄衣上口巾乾上漬其風不能  
勞事身體重痛則寒帝曰

此申言第八條首風漏風泄風之狀也新沐中風固爲  
首風首風之狀頭面多汗惡風蓋頭爲諸陽之會風客  
之則皮腠疎故頭面多汗也人之陽氣外合于風故先  
當風一日則頭痛甚不可以出戶內然病以先風而甚

則痛亦先風而衰。至其當風之日。則病已少愈矣。飲酒中風。固為漏風。漏風之狀。或多汗。惡風。脾胃風熱。雖單衣亦欲却之。腠理開疎。故食則汗出。甚則風薄于肺。故身汗喘息。汗多。故衣常濡。口常乾。又善渴。形勞則喘息。故不能勞事也。按病能論漏風。口有病。身熱。解隨汗出。如不能。風少。氣此為何病。岐伯曰。病名曰酒風。帝曰。治之奈何。岐伯曰。以三指搥之。後段。木各十分。摩街五分。合以三指搥之。後段。外在腠理。則為泄風。泄風之狀。多汗。汗出。則泄在衣上。汗多。故口中乾。皮上漬。形勞。則汗出。故不能勞事。風在身體。故盡痛。汗多。則亡陽。故寒也。

痺論篇第四十三

後世醫書止有漏風一門。並無痺門。蓋不考內經。痺為何病。致使痺

證不明于後世惜哉此篇  
尚與靈樞同痺篇參看

真帝問曰痺之安生岐伯對曰風寒濕三氣雜至合而為  
痺也其風氣勝者為行痺寒氣勝者為痛痺濕氣勝者為  
著痺也痺必至  
著者同

此言三氣成痺而痺之證有不同也痺者痺也亦有病則  
有日降日深之義又有不得自如之義故名曰痺即下  
文行痛著證也帝以痺從何生為問伯言風寒濕之  
三邪氣錯雜而至則合之為痺而痺生合本  
節意合之于經  
而痺分合下  
節意故曰合而為痺也其風氣勝者則風以陽  
經而受之故當為行痺之證如蠱行于頭面四體也其

寒氣勝者則寒以陰經受之故當爲痛痺之證寒氣傷血而傷處作痛也其濕氣勝者則濕以皮肉筋脉而受之故當爲着痺之證當沉着不去而舉之不可痛也

帝曰其有五者何也岐伯曰以冬遇此者爲骨痺以春遇此者爲筋痺以夏遇此者爲脉痺以至陰遇此者爲肌痺以秋遇此者爲皮痺

此言五痺之證因五時而成者也帝問風寒濕三氣異勝則三痺生其有五痺者則止有三氣將以何氣之勝而名之爲五痺耶伯言五痺之生不外于風寒濕之三氣也特以時有五者而遇此三氣則異病耳非復有五

氣以入五藏也。故冬遇此三者。則爲骨痺。蓋腎主冬。亦主骨。腎氣衰。則三氣入骨。故名之曰骨痺。肝主春。亦主筋。肝氣衰。則三氣入筋。故名之曰筋痺。心主夏。亦主脉。心氣衰。則三氣入脉。故名之曰脉痺。脾主至陰。至陰者。六月也。亦主肌肉。脾氣衰。則三氣入肌。故名之曰肌痺。肺主秋。亦主皮。肺氣衰。則三氣入皮。故名之曰皮痺。然猶在皮脉肌筋骨而未入于藏府。但痺有在藏。在府者。故帝復于上文而再問之。

帝曰。內含五藏六府。何氣使然。岐伯曰。五藏皆有合。病久而不去者。內舍于其合也。故骨痺不已。復感于邪。內舍于

腎筋痺不已復感于邪內舍于肝肝脉痺不已復感于邪內舍于心肌痺不已復感于邪內舍于脾皮痺不已復感于邪內舍于肺所謂痺者各以其時重感于風寒濕之氣也  
合則去也  
重平聲

此言痺之入五藏者以五痺不去三氣重感而入之于五藏也帝問五痺在體五藏在内至有內舍于五藏者何氣使之然也舍者藏也伯言五藏皆有合即如腎之合在骨肝之合在筋心之合在脉脾之合在肌肺之合在皮五痺病久而不去則內舍于其合矣故骨痺不已而又重感于三氣則內舍于腎筋痺不已而又重感于

三氣則內舍于肝。肺痺不已而又重感于三氣則內舍于心。肌痺不已而又重感于三氣則內舍于脾。皮痺不已而又重感于三氣則內舍于肺。所謂五藏之痺者各以其所主之時重感于風寒濕之三氣故使之入于五藏也。

凡痺之客五藏者。肺痺者煩滿喘而嘔。心痺者脉不通煩則心下鼓暴上氣而喘。嗌乾善噫。厥氣上則恐。肝痺者夜卧則驚。多飲數小便。上爲引如懷。腎痺者善脹尻以代踵。脊以代頭。脾痺者四支解墮發咳嘔汁。上爲大塞。鼓字爲訛同聲

此承上文而遂言五藏之痺各有其證也。夫以五痺重感乎三氣。固五藏各成其痺矣。試以肺痺言之。彼肺脉起于中焦。下絡大腸。還循胃口。上膈。屬肺。又主息。故其爲痺也。煩滿喘息而嘔。又以心痺言之。彼心合脉。今受邪。則脉不通。邪氣內擾。故爲煩。手少陰心脉起于心中。出屬心系。下鬲。絡小腸。其支別者。從心系。上俠咽喉。其直者。復從心系。却上肺。手厥陰心包絡之脉。起于胸中。出屬心包。下鬲。故煩則心下鼓。戰暴時。上氣而爲喘。又嗌喉乾燥也。心主爲噫。以其鼓滿。故噫之以出氣也。

宣明五氣篇  
云心主噫

逆氣上乘于心。神氣不足。若懼凌弱。故爲



恐也

宣明五氣篇云精氣并于腎則恐今心氣不足為木所凌耳

又以肝痺言之

肝主驚駭故夜卧多驚肝脉循股陰入髦中環陰器抵少腹俠胃屬肝絡膽上貫膈布脇肋循喉嚨之後上入頰頰故多飲水數小便上引少腹而痛如懷妊之狀也

又以腎痺言之腎者胃之關關不利則胃氣不轉

故善脹尻腰尻骨也踵足跟也腎脉起于足小指之下斜趨足心出於然骨之下循內踝之後別入跟中以上膕內出膕內廉上股內後廉貫脊屬腎絡膀胱其直行者從腎上貫肝膈入肺中氣不口而受邪故踵本在足而尻則伏地而不仰其尻反以心踵也脊本在中而頭

則俯伏而不上其脊反以代頭也。又以其脾痺言之。土主四季外主四支故四支懈墮。又以其脉起于足循脇肝上膝股然脾脉入腹屬脾絡胃上膈俠咽故發欬嗽嘔出清汁也。脾氣養肺胃復連咽故上爲大塞也。

腸痺者數飲而出不得中氣喘爭時發飧泄胞痺者少腹膀胱按之內痛若沃以湯澀于小便上爲清涕。數音辨

此言腸痺胞痺六府痺中之二亦各有其證也。夫五藏各有其痺而六府亦有其痺也。試以腸痺言之。大腸之脉入缺盆絡肺下膈屬大腸小腸之脉又入缺盆絡心循咽下膈抵胃屬小腸。今小腸有邪則脉不下膈胃氣

畜熱。小腸燥滯。故數飲水而不得下出也。其小腸與胃  
邪氣奔喘。故中氣喘爭也。有時小腸邪盛。熱飧從下而  
降。則大腸火迫。飧即泄出。此乃腸痺之證也。又以胞  
痺言之。膀胱在少腹之內。胞在膀胱之內。胞受風寒濕  
氣。而為痺。則少腹膀胱按之內痛。若沃以湯。澁于小便  
也。膀胱之脉。上額交顙。上入絡腦。故邪氣上蒸于腦。而  
為清涕也。此乃胞痺之證也。言胞痺者。大約是膀胱為  
病耳。

陰氣者。靜則神藏。躁則消亡。飲食自倍。腸胃乃傷。王註分

書有法。但不知  
陰氣為靜氣耳。

此言藏府所以成痺者。以其內傷為本。而後外邪得以乘之也。陰氣者。營氣也。陰氣精專。隨宗氣以行於經脈之中。惟其靜。則五藏之神自藏而不消亡。若躁則五藏之神消亡而不能藏矣。所以有五痺者。必重感于邪。而成五藏之痺也。至于六府之所以成痺者。何哉。飲食固所以養人。而借用適所以害人。故飲食自倍。腸胃乃傷也。腸胃既傷。則邪得以乘俞入之。而為痺矣。按生氣通天論云。腸胃者。精則養神。柔則養筋。論衛氣也。此節云云。論營氣也。此乃論營衛至精至妙之義。王註不言者。未之知耳。淫氣喘息。痺聚在肺。淫氣憂思。痺聚在心。淫氣遺溺。痺聚在腎。淫氣之竭。痺聚在肝。淫氣肌絕。痺聚在脾。諸痺不已。

亦益內也。其風氣勝者，其人易已也。

此言因諸證而可驗五藏之痺，其間有難愈易愈之分。

焉。夫五藏之痺，其證脩見於前矣。見第然又有他証可

驗而知其痺之在五藏者，難于去也。是故邪氣浸淫，喘

息靡寧。正以肺主氣，惟痺聚在肺，故喘息若是。邪氣浸

淫，憂思不已。正以心主思，惟痺聚在心，故憂思若是。邪

氣浸淫，膀胱遺溺。正以腎與膀胱為表裏，惟痺聚在腎，

故遺溺若是。邪氣浸淫，陰血之竭。正以肝主血，惟痺聚

在肝，故之竭若是。邪氣浸淫，肌氣阻絕。正以脾主肌，惟

痺聚在脾，故肌絕若是。凡此諸痺不已，亦以日深一日。

而不能愈也

或云邪益內作入房說亦通

故風寒濕三氣皆能爲痹

佳風氣勝者則較之寒濕三氣其病易已蓋風勝爲行痺而寒濕則爲著痺痛痺其勢以難愈耳

帝曰痺其時有死者或疼久者或易已者其故何也岐伯曰其入藏者死其留連筋骨間者疼久其留皮膚間者易已

此言痺有死生病久之異皆各有其由也痺有死者正以邪氣入于內藏故藏氣已絕所以死也有疼久者正以邪氣留連筋骨之間外不出而內不得入所以疾久未愈也有易已者正以邪氣留于皮膚之間淺而易散

所以易已也

帝曰其客於六府者何也岐伯曰此亦其食飲居處爲其病本也六府亦各有俞風寒濕氣中其俞而食飲應之循俞而入各舍其府也

此言六府之成痺者先以內傷爲之本而後外邪得以乘之也第三節帝問內舍五藏六府固合藏府而并問之矣第四節雖主腸痺胞痺而六府之痺不盡于此故此節帝以六府之痺爲問伯言六府成痺亦以其飲食失節居處失宜爲之病根也上文所謂飲食自倍腸胃乃傷者正以此耳蓋內無所傷則外邪無自而乘之也

故六府之分肉皆各有俞穴。風寒濕之三氣外中其俞而內之飲食失節應之則邪氣循俞而入。各舍于六府之中。此痺之所以成也。按三百六十五穴皆可以言俞。今日俞者凡六府之穴皆可以入邪。而王註止以足太陽經在背之六俞穴爲解。則又理之不然者也。若止以升榮命原經合之俞穴解之猶未盡通。況背中之六俞乎。

帝曰。以鍼治之奈何。岐伯曰。五藏有俞。六府有合。循脉之分。各有所發。各隨其過。則病瘳也。

此言治痺者。五藏取其俞。六府取其合。各分刺之而病



愈也。帝以可以鍼治爲問。伯言五藏有俞穴。肝之俞曰太衝。心之俞曰大陵。脾之俞曰太白。肺之俞曰太淵。腎之俞曰太谿。六府有合。胃之合曰三里。膽之合曰陽陵。大腸之合曰曲池。小腸之合曰小海。三焦之合曰委中。膀胱之合曰委中。循藏府經脉所行之分。各有所發。病之經乃隨其病之所在而刺之。則或俞或合。其病無有于不瘳也。

帝曰。營衛之氣亦令人痺乎。岐伯曰。營者。水穀之精氣也。和調于五藏。灑陳于六府。乃能入于脉也。故循脉上下。貫五藏。絡六府也。衛者。水穀之悍氣也。其氣慄疾滑利。不能

入于脉也。故循皮膚之中。分肉之間。熏于盲膜。散于胃脘。逆其氣則病。從其氣則愈。不與風寒濕氣合。故不為痺。

此言營衛二氣。不與風寒濕三氣相合。故不為痺也。營者。陰氣也。由水穀入胃。而成此精微之氣。故謂之水穀之精氣也。按靈樞營衛生會等篇。有宗氣積于上焦。營氣出于中焦。衛氣出于下焦。是言宗氣者。大氣也。大氣積于膻中。其中焦之氣。陽中有陰者。隨上焦之氣以降。于下焦。而生此陰氣。故謂之清者為營。又謂之營氣出于中焦者。是也。然陰性精專。必隨宗氣以行于經隧之中。靈樞營衛生會篇云。精專者。行于經。隧衛氣篇云。精氣之行于經者。為營氣。又營衛生會篇云。故獨得行。

于經隧。又曰。由手太陰肺。行手陽明大腸。足陽明胃。足  
管在肺中。太陰脾。手少陰心。手太陽小腸。足太陽膀胱。足少陰腎。  
手厥陰心包絡。手少陽三焦。足少陽膽。足厥陰肝。行于  
晝二十五度。行于夜二十五度。共五十度。周于身。始于  
手太陰而復會于手太陰。所謂太陰主內者。此也。故此  
篇曰。和調于五藏。言其行于手足六陰經也。灑陳于六  
府。言其行于手足六陽經也。乃能入于脉者。言其隨宗  
氣以行於經脉之中也。又總之曰。故循脉上下。貫五藏。  
絡六府也。衛氣者。陽氣也。亦由水穀入胃。而成此精微  
之氣。故謂之水穀之悍氣也。其下焦之氣。陰中有陽者。

隨中焦之氣以升于上焦而生此陽氣故謂之濁者爲  
衛又謂之衛氣出于下焦者是也。謂經論云陽然陽氣  
慄慄不隨宗氣而行而自行于各經皮膚分肉之間。靈  
衛氣篇云其浮氣之不循經者爲衛氣邪客篇云衛氣  
者出其悍氣之標疾而先行于四末分肉皮膚之間而  
不休者也本經篇云衛氣者所以溫分肉充皮膚肥  
腠理司開闔者也又營氣生會篇有云衛在脉外平  
旦陰盡陽氣出于目目張則氣上行於頭由足太陽行  
手太陽足少陽手少陽足陽明手陽明晝行陽經二十  
五度日入則行足少陰手少陰手太陰足厥陰足太陰  
夜行于陰二十五度亦一晝一夜而共爲五十度周于  
身所謂太陽主外者此也故曰其氣慄慄滑利不能入

于脉也。故循皮膚之中。分肉之間。熏于膏膜。散于胃腹也。夫營衛之所行者如此。必逆營衛之氣。則病而順營衛之氣。則愈。則此營衛者。乃氣也。非筋骨肌皮膚脉與五藏六府之有形者也。不與風寒濕三氣相合者也。故營衛在人。不爲痺也。

帝曰。善痺或痛或不痛。或不仁。或寒。或熱。或燥。或濕。其故何也。岐伯曰。痛者。寒氣多也。有寒故痛也。其不痛不仁者。病久入深。營衛之行滯。經絡時疎。故不通。皮膚不營。故爲不仁。其寒者。陽氣少。陰氣多。與病相益。故寒也。其熱者。陽氣多。陰氣少。病氣勝。陽遭陰。故爲痺熱。其多汗而濡者。此

其近濕甚也。陽氣少陰氣盛。則氣相感。故汗出而濡也。不  
作不

此言痺證有痛有不痛。有不仁。有寒有熱。有燥有濕者。皆各有其故也。言痺之所以痛者。以其寒氣多也。有寒故痛也。故曰其寒氣勝者為痛痺也。痺之所以不痛者。以病久則邪氣日深。營衛之行滯。經絡之脉有時而疎。故亦不為痛也。痺之所以不仁者。以其皮膚之中少氣血。以為之營通。故皮頑不動。而為不仁也。痺之所以體寒者。以衛氣少。營氣多。惟營氣多。則與病氣相益。故寒冷也。痺之所以體熱者。以衛氣多。營氣少。故

邪氣勝則風氣爲陽陽與營氣相遭而陰氣不能勝之故爲痺熱也。痺之所以濕者以其遇濕甚也衛氣少營氣盛兩陰相感故汗出而濕也。痺之所以燥者雖未之言而卽濕者以反觀之則衛氣多營氣少遇熱太甚兩陽相感則可以知其爲燥矣。

帝曰夫痺之爲病不痛何也岐伯曰痺在于骨則重在于脉則血凝而不流在于筋則屈不伸在于肉則不仁在皮則寒故具此五者則不痛也凡痺之類逢寒則蟲逢熱則縱帝曰善。

經作爲王氏以爲如蟲行  
此言痺在五者不爲痛除寒氣勝者而言之也帝意痺

之爲病皆當痛也。而今日以寒氣勝者爲痛痺，其風濕所感者不爲痛，何也？伯言風濕所感者雖不爲痛，亦不盡能脫然無累也。在于骨則重，在于脉則血凝而不流，在于筋則不伸，在于肉則不仁，在于皮則體寒，故具此五者則不痛耳。且凡痺病之類，逢天寒則其體急，諸證皆當急也；逢天熱則其體縱，諸證皆當緩也。此其大畧也。

痿論篇第四十四

內詳五藏之痿，必始於肺，其本藏自有其治之。

之有色有證，其治之有法有穴，故名篇。

黃帝問曰：五藏使人痿，何也？岐伯對曰：肺主身之皮毛，心



主身之血脉。肝主身之筋。膜脾主身之肌肉。腎主身之骨。髓。故肺熱葉焦。則皮毛虛弱急薄。著則生痿躄也。心氣熱。則下脉厥而上。上則下脉虛。虛則生脉痿。樞折挈。脛縱而不任地也。肝氣熱。則膽泄口苦。筋膜乾。筋膜乾。則筋急而攣。發爲筋痿。脾氣熱。則胃乾而渴。肌肉不仁。發爲肉痿。腎氣熱。則腰脊不舉。骨枯而髓減。發爲骨痿。腎氣熱亦反

此言五藏各有所合。故五藏熱。則其所合者。有皮毛焦。而爲痿躄。有脉痿。有筋痿。有肉痿。有骨痿也。正以五藏皆有合。肺主身之皮毛。心主身之血脉。肝主身之筋。膜脾主身之肌肉。腎主身之骨。髓然五藏之痿。皆始于肺。

而後四藏之痿所由成。試以肺痿言之。肺痿者。皮毛痿也。正以肺氣熱。則肺本屬金。而火來乘之。肺葉皆焦。凡皮毛皆虛弱。急薄矣。著而不去。則肺爲母。腎爲子。腎受熱氣。足攣而不得伸。致成痿癱之證矣。又以心痿言之。心痿者。脉痿也。正以心氣熱。則火獨炎上。凡在下之脉。皆厥逆而上。上則下脉虛。上下脉虛。則生脉痿。脉痿者。膝腕爲樞。如折脫而不相提挈。足脛縱緩而不能任地也。又以肝痿言之。肝痿者。筋痿也。正以肝氣熱。則膽在肝之短葉間者。其汁泄而口苦。筋膜爲火蒸而乾燥。筋膜乾燥。則拘急而攣。發之爲筋痿也。又以脾痿

言之脾痿者。肉痿也。正以脾氣熱。則脾與胃以膜相連。故胃乾而渴。脾主肌肉。今熱薄于內。肌肉不仁。不仁者。不知痛痒。故發之爲肉痿也。又以腎痿言之。腎痿者。骨痿也。正以腎氣熱。則腰爲腎府。故腰脊不舉。腎主骨。則骨枯而髓減。發之爲骨痿也。夫凡曰痿者。皆有痿躄之義。而唯肺痿名曰痿躄。其餘脉筋肉骨皆成此痿。亦不逸于痿躄。則知痿躄爲病之同。肺氣爲病之本矣。下文首段乃詳言之。

帝曰。何以得之。岐伯曰。肺者。藏之長也。爲心之蓋也。有所失亡。所求不得。則發肺鳴。鳴則肺熱。葉焦。故曰。五藏因肺

熱榮焦發為痿躄此之謂也悲於太甚則胞絡絕胞絡絕則陽氣內動發則心下崩數洩血也故本病曰大經空虛發為肌痺傳為脉痿思想無筭所親不得意淫于外入房太甚宗筋弛縱發為筋痿及為白淫故下經曰筋痿者生于肝使內也有漸于濕以水為事若有所寄居處相濕肌肉濡漬痺而不仁發為肉痿故下經曰肉痿者得之濕地也有所遠行勞倦逢大熱而渴渴則陽氣內伐內伐則熱舍于腎腎者水藏也今水不勝火則骨枯而髓虛故足不任身發為骨痿故下經曰骨痿者生于大熱也

長上聲按此胞絡者乃胞絡官之胞字正婦人受胎之所後手厥陰心包絡之

包字不從肉王注以胞為包者非新音失詩云漸車惟震

此承上文而言肺痿爲諸痿之由。又詳諸痿之所以然也。上文所重在合。故揭皮脉肉筋骨爲五藏之痿。此篇所重在諸痿之由。故較上節爲更詳也。言肺痿之所以得者。以肺爲五藏之長。爲心之蓋。其病始于有所失。正所求不得。則鬱火炎極。發爲肺鳴。金得火而有聲也。時則肺熱葉焦。發爲痿癱。然五藏之痿皆成痿癱。實由于肺熱葉焦而始。古語有之。蚘以皮毛之痿。爲肺經本藏之痿耳。脉痿之所以得者。奇病論云。胞脉者繫於腎。評熱論云。胞脉者屬心而絡于胞中。蓋婦人有胞絡官。乃受胎之所。惟胞絡繫于腎而屬于心。故悲哀太甚則

心系必急。胞之絡脉阻絕。衛氣不得外山而動于其內。所以心主血脉者。從下崩潰。數洩其血。故本病篇云。血脫過多。大經空虛。發為肌痺。傳為脉痿者。此也。筋痿之所以得者。肝主身之筋。膜思想既已無窮。所願又不得遂。其意久淫于外。或至入房太甚。宗筋弛縱。宗筋見在下文發為筋痿。及為白淫。在男子為精滑在女子為白帶故下經曰。筋痿者。生於肝。使肉也。蓋肝主筋。其使肉之際。腎主閉藏。肝主疏泄。二藏相須為用。故筋弛而成筋痿者如此。肉痿之所以得者。此人有漸于濕。業惟事水。濕有所著。其居處又濕。肌肉濡漬。痺而不仁。發為肉痿。彼下經言肉痿

得之濕地者此也

陰陽應象大論曰地之濕氣感則害皮肉筋脉

骨痿之所

以得者有所遠行勞倦時逢大熱而發之爲渴渴則衛氣內伐其陰氣陰氣被伐熱舍于腎腎爲水藏不勝其火則骨枯髓虛故足不任身發爲骨痿彼下經言骨痿生于大熱者此也

帝曰何以別之岐伯曰肺熱者色白而毛敗心熱者色赤而絡脉溢肝熱者色蒼而爪枯脾熱者色黃而肉蠕動腎熱者色黑而齒槁

別候考切  
痿音軟

此言別五藏之痿常驗五色九合之證也

帝曰如夫子言可矣論言治痿者獨取陽明何也岐伯曰

陽明者五藏六府之海主潤宗筋主束骨而利機關也衝脉者經脉之海也上滲灌谿谷與陽明合于宗筋陰陽總宗筋之會會于氣街而陽明爲之長皆屬于帶脉而絡于督脉故陽明虛則宗筋縱帶脉不引故足痿不用也

問同

此言治痿獨取陽明者以陽明虛則宗筋不能引帶脉而爲痿也帝意五藏之痿似當分經以治之然論言治痿獨取足陽明胃經者何也伯言宗筋在人乃足之強弱所係也但陽明實則宗筋潤陽明虛則宗筋縱所以獨有取于陽明也蓋陽明爲五藏六府之海主潤宗筋



宗筋者。謂陰髦中橫骨上下之堅筋也。主束骨而利機

關者。以腰爲一身之大關節。屈伸所司。故曰機關。則宗

筋所係之重如此。

世疑宗筋卽爲前陰。按論有曰。前

陰者。宗筋之所聚。則宗筋不可以前誤。彼衝脉乃奇經之一。爲經脉之海。主滲灌谿谷。與陽

明合于宗筋。

肉之大會曰宗筋。肉之小會曰谿谷。

凡陽經陰經總與宗筋而

相會。會于陽明經之氣衝穴。所以陽明爲之長也。帶脉

亦奇經之一。起于季脇。回身一周。此宗筋者。與帶脉而

相屬。與督脉而爲絡。正以奇經八脉。任衝督三脉皆起

于會陰之穴。而帶脉亦相連屬也。故陽明虛則宗筋縱

弛。而不能牽引帶脉。故足痿。而不能舉。然則是痿而不

能舉者。由于陽明之虛。則治痿獨取陽明者。宜也。

帝曰。治之奈何。岐伯曰。各補其榮而通其俞。調其虛實。和其逆順。筋脉骨肉。各以其時受月。則病已矣。帝曰。善。

此言治痿之有法也。蓋筋脉骨肉。各以其時。而有受病之月。如肝受病于春。爲筋痿。心受病于夏。爲脉痿。脾受病于至陰。爲肉痿。肺受病于秋。爲皮痿。腎受病于冬。爲骨痿。今日獨取陽明。又必兼取所受病之經。假如治筋痿者。合胃與肝而治之。補陽明之榮穴。內庭。肝之榮穴。行間。胃之俞穴。陷谷。肝之俞穴。太衝。調其虛實。虛則補之。實則瀉之。和其逆順。補則逆取。瀉則順取。則病已矣。

他如心之榮穴少府。俞穴神門。脾之榮穴大都。俞穴太白。肺之榮穴魚際。俞穴太淵。腎之榮穴然谷。俞穴太谿。是皆與胃而兼取者也。

厥論篇第四十五

詳論寒厥熱厥之分及手足十二經之各有其厥故名篇

黃帝問曰。厥之寒熱者。何也。岐伯對曰。陽氣衰於下。則爲寒厥。陰氣衰於下。則爲熱厥。

此言厥病之分寒熱者。以足之陰陽六經其氣有偏勝也。蓋足有三陽經。足太陽膀胱經。足少陽膽經。足陽明胃經也。足有三陰經。足太陰脾經。足少陰腎經。足厥陰肝經也。三陽經氣衰於下。則陽氣少。陰氣盛。而厥之所

以爲寒三陰經氣衰于下則陰氣衰陽氣盛而厥之所  
以爲熱下者足也

帝曰熱厥之爲熱也必起于足下者何也岐伯曰陽氣起  
于足五指之表陰脉者集于足下而聚于足心故陽氣勝  
則足下熱也

此言熱厥之熱在陰分者以其陽勝陰也帝問熱厥之  
熱宜在陽分而反足下熱者何也正以陽脉起于足五  
指之表足太陽出于足小指外側之端足少陽出于足  
四指之端足陽明出于足次指之端並循五指之表而  
上行彼肝脾腎之爲陰脉者集于足指之下而聚于足

心其所行者皆陰分也。惟陽經氣勝則陰經氣衰。陰不能勝其陽。所以熱厥之熱必起于足下也。

帝曰：寒厥之爲寒也，必從五指而上于膝者，何也？岐伯曰：陰氣起于五指之裏，集于膝下，而聚于膝上，故陰氣勝則從五指至膝上寒，其寒也不從外，皆從內也。

此言寒厥之厥上于膝，以其陰勝陽也。帝問寒厥之寒，宜在足下，反從五指而上于膝者，何也？正以陰氣起于五指之裏，足太陰起于足大指內側之端，足厥陰起于足大指三毛之中，足少陰起于足小指之下，斜趨足心，並循五指之裏而上行，循股陰入腹，其所行者皆膝上。

膝下之裏也。惟陰經氣勝，則陽經氣衰，陽不能勝其陰，所以寒厥之寒從五指至膝上寒，但內屬陰分，故其寒也不從外之所入而實由于內之所出也。

帝曰：寒厥何失而然也？岐伯曰：前陰者，宗筋之所聚，太陰陽明之所合也。春夏則陽氣多而陰氣少，秋冬則陰氣盛而陽氣衰。此人者質壯，以秋冬奪于所用，下氣上爭，不能復，精氣溢下，邪氣因從之而上也。氣因于中，陽氣衰，不能滲營其經絡，陽氣日損，陰氣獨在，故手足爲之寒也。因當

此言寒厥之由，以腎經縱慾而然也。前陰者，陰器也。外腎也。宗筋者，陰髦中橫骨上下之堅筋也。足太陰脾經

起于足大指之端。由內踝上腓內。上膝股內前廉入腹。  
足陽明胃經支者起于胃口。下循腹裏。下至氣衝中而  
合。以下髀關抵伏兔。下膝膑中。下循脛外廉。下足跗。入  
中指內間。前陰者。本宗筋之所聚。而太陰陽明之脉各  
入于腹。皆與宗筋而相合者也。人凡人。處春夏之時。則  
三陽經之氣多。而三陰經之氣少。處秋冬之時。則三陰  
經之氣多。而三陽經之氣少。此寒厥之人。必恃其質壯。  
而秋冬多熱。以奪于腎經之用事。是在下之腎氣。乃因  
強力。而遂與上焦之氣相爭。不能復如其舊。其精氣爲  
之溢下。故寒邪之氣。因從上爭之氣。而齊上也。蓋由腎

氣既困于中。秋冬三陽本衰。而至此益衰。不能滲榮其

經絡。故陽氣日損。陰氣獨在。今寒邪入之。則手足皆爲

之寒者。宜也。

按靈樞經經絡篇第十三節有刺寒厥法

帝曰。熱厥何如而然也。岐伯曰。酒入于胃。則絡脉滿。而經

脉虛。脾主爲胃行其津液者也。陰氣虛。則陽氣入。陽氣入

則胃不和。胃不和。則精氣竭。精氣竭。則不營其四支也。此

人必數醉。若飽以入房。氣聚于脾中。不得散。酒氣與穀氣

相薄。熱盛于中。故熱徧于身。內熱而溺赤也。夫酒氣盛而

慄悍。腎氣日衰。陽氣獨勝。故手足爲之熱也。

爲去声 數音朔

此言熱厥之由。以腎經縱慾。胃經縱酒而然也。蓋凡酒



入于胃則絡脉滿而經脉虛

按靈樞經脉篇云飲酒者新氣先行皮膚先充絡脉

以絡脉橫行經脉直行酒性慄悍而溢故絡脉滿惟絡脉既滿則經脉必虛彼脾主為胃行其津液者也今腎屬足少陰者以慾而虛胃屬足陽明者以酒而盛陰氣虛則陽氣入陽氣入則胃氣下陷而不和胃不和則脾氣亦衰穀氣不得化為精微之氣而運之以行于四支矣何也此熱厥之人每為醉飽以入房下氣上爭聚于脾中脾胃既受穀氣又受酒氣熱盛于中故熱徧于身目內形外也其內熱以溺赤為驗夫酒氣本盛而慄悍惟腎陰既衰胃陽獨勝是皆為之熱者宜也

按靈樞終始篇

第十九節寒熱篇第

十三節有刺熱厥法

帝曰。厥或令人腹滿。或令人暴不知人。或至半日。遠至一日。乃知人者。何也。岐伯曰。陰氣盛于上。則下虛。下虛則腹脹滿。陽氣盛于上。則下氣重上。而邪氣逆。逆則陽氣亂。陽氣亂則不知人也。今平聲重平聲

此言厥有腹滿者。以陰氣行于上。其不知人者。以陽氣盛于上。而陰氣又行于上也。陰氣者。據上文觀之。則是足少陰也。足少陰奪于所用。醉以入房。下氣上爭。而行之于上。則下虛。故氣在腹而不在足。所以腹中脹滿也。陽氣者。由上文觀之。則是足陽明也。足陽明酒氣盛于

上足少陰腎氣又上。彼邪氣從之而上。則邪氣與陽氣爲逆。逆則陽氣亂。陽氣亂則昏暈而不知人也。夫曰陰氣盛于上。則腹脹滿者。乃上文之寒厥。陽氣盛于上。則不知人者。乃上文之熱厥耳。

帝曰。善。願聞六經脈之厥狀病能也。岐伯曰。巨陽之厥。則腫首頭重。足不能行。發爲胸仆。陽明之厥。則癰疾欲走。呼腹滿不得卧。面赤而熱。妄見而妄言。少陽之厥。則暴聾煩腫而熱。脇痛。髀不可以運。太陰之厥。則腹滿脹。脹後不利。不欲食。食則嘔。不得卧。少陰之厥。則口乾溺赤。腹滿心痛。厥陰之厥。則少腹腫痛。腹脹。逆洩不利。好卧屈膝。陰縮腫。

腑內熱盛則瀉之虛則補之不盛不虛以經取之能音耐

云聖人耐以天下為一家則能耐同用本經有病能治篇又陰陽應象大論曰病之形能也

此言足六經之厥狀病能也首腫頭重者以其脉自目

內眥上額交巔從巔絡腦也其足不能行者以其脉之

循腰脇內挾脊抵股中其支者過髀樞貫膈內出外踝

也發為胸仆者胸眩而仆倒乃上重下輕之證也足

陽明胃經之厥胃本多氣多血故邪盛則為癰疾而欲

走且呼也腹滿者以其脉之從大迎下人迎循喉嚨入

缺盆下鬲絡胃絡脾也不得卧者胃不和則卧不安也

面赤而熱者其脉起於鼻下循鼻外上入齒中還出挾

口環唇循頤下交承漿也。足少陽膽經之厥，猝暴而  
聾者，以其脉起目銳眦，上抵頭角，下耳後，其支者從耳  
後入耳中，出走耳前也。頰腫者，以其脉之下大迎，加頰  
車下頸也。脇痛者，以其脉之從缺盆下腋，循胸過季脇，  
下合髀厭中也。脘不可以運者，以其脉之循髀陽出膝  
外廉，入于外輔骨之前，直下抵絕骨之端，下出外踝之  
前也。足太陰脾經之厥，腹滿臌脹者，以其脉起于大  
指之端，上脰股前廉，入腹屬脾絡胃也。後不利者，以其  
脉之入腹屬脾絡胃，而厥逆則不利也。不欲食，食則嘔  
者，以其脉之上膈俠咽，連舌本，散舌下也。不得財者，胃

不利則卧不安脾與胃同也。足少陰腎經之厥溺赤者以其脉上股內後廉貫脊屬腎絡膀胱也。口乾者以其脉之上貫肝鬲入肺中循喉嚨俠舌本也。腹滿心痛者以其脉之從肺出絡心注胸中也。足厥陰肝經之厥少腹腫痛者以其脉之下環陰器入少腹也。大腹脹者以其脉之俠胃屬肝絡膽上貫鬲也。涇洩不利及下陰縮腫者以其脉之上膕內內廉循股陰入髦中下環陰器也。好卧屈膝者以膽脉出膝外廉下循輔骨抵絕骨足軟欲卧而膝屈也。膈內熱者肝脉行于內筋也。凡此六經之厥其治法盛則瀉之虛則補之不盛不虛以

經取之。按靈樞經脉終始篇言人迎一盛病在足少陽則人迎大于氣口一倍也。乃是少陽膽經爲盛。足厥陰肝經爲虛。卽補膽而瀉肝。氣口一盛病在足厥陰則氣口大于人迎一倍也。乃是厥陰肝經爲盛。足少陽膽經爲虛。卽補肝而瀉膽。此所謂盛者瀉之。虛者補之。若不盛不虛則在膽取膽而不取之。肝在肝取肝而不取之。膽所謂自取其經也。卽名之曰經治。又曰經刺。餘經皆然。難經八十九難以實則瀉。子是肝膽病瀉心虛則補。乃是肝膽病補腎。此說似通。但求之經旨則不合。

太陰厥逆。前急。攣心痛。引腹。治主病者。少陰厥逆。虛滿。瀉變。下泄清。治主病者。厥陰厥逆。攣腰痛。虛滿。前閉。謔言。治主病者。三陰俱逆。不得前後。使人手足寒。三日死。太陽厥逆。僂仆。嘔血。善衄。治主病者。少陽厥逆。機開不利。機開不利者。腰不可以行。項不可以顧。發腸澼。不可治。驚者死。陽明厥逆。喘咳身熱。善驚。衄嘔血。

此申足六經厥逆之證。其三陰各厥者。各治本經。三陰俱厥者。易死。太陰陽明厥者可治。惟少陽厥者。發之爲癰而驚。則不可治也。足太陰厥逆。其筋急且攣者。以其脉之循大指內側上。內踝前廉。上腓內。循腓骨後。上膝。



肢內前廉入腹也。心痛引腹者。以其脉之從胃。別上膈。注心中也。此則太陰本經之病。而取本經以治之也。  
足少陰厥逆。虛滿嘔變者。以其脉之上貫肝膈。入肺中。循喉嚨也。下泄清者。以其脉之開竅于二便也。此亦治本經之主病者耳。  
足厥陰厥逆。拘攣腰痛。虛而腹滿。前陰自閉。譫言不次者。以其脉之循股陰。入髦中。環陰器。抵少腹。挾胃。上貫膈。布脇肋。循喉嚨。絡舌本也。此亦治本經之主病耳。凡此三陰俱厥。前後不通。手足皆寒。主三日死。以其三陰之氣絕也。  
足太陽之厥逆。偏身痛。以其脉之自項下挾脊抵腰中也。嘔血。善衄者。靈樞

經脈者謂其病則動也。此則本經之證而治其本  
經耳。足少陽之厥逆。機關不利。腰不可以行。項不可  
以仰者。以其脉之循頸下。逆是際橫入髀腋中也。但此  
足少陽脉貫鬲絡肝屬膽。循脇裏。出氣衝。若發腸癰。則  
經氣絕。故不可治。肝之病發爲驚駭。而膽與之爲表裏。  
故驚則死矣。足陽明之厥逆。喘欬身熱。善驚衄嘔血。  
者。以陽明多氣多血。其脉之循喉嚨入缺盆。下鬲屬胃  
絡脾也。

手太陰厥逆。虛滿而欬。善嘔沫。治主病者。手心主少陰厥  
逆。心痛引喉。身熱死不可治。手太陽厥逆。耳聾泣出。項不



神去。神去則死矣。此所以死不可治。手太陽小腸經之脈逆耳聾泣出。項不可以顧者。以其脈之從缺盆循頸上頰至目銳眦入耳中。出項又從頰上順抵鼻至目內眦也。腰不可以俯仰者。經脈不合。恐是足少陽之證也。此亦治其主病者耳。手陽明大腸經。手少陽三焦經之脈逆。發喉痺及嗌腫疼者。以大腸之脈從缺盆上頸。手少陽之脈從腹中出缺盆上項也。此亦治其主病者耳。

黃帝內經素問註證卷

五終